



08757

青藤書屋文集卷二

山陰徐渭文長著

公安袁宏道中郎編

樂府

張家槐

張家槐鵲巢枝使君纔出戶闔扉鞭行人上及飛 彈
鵲母連鵲卵鵲母棄雛走何所曙衙開邸報來使君朝
去鵲莫歸

悲饗歌

徐文長文集卷二

一 海山仙館叢書

吳人饗越人俎一臙忤舌死杖下肉少甘骨爲土

歌風臺

時漢高將夷英彭諸猛又知猛者
守欲背故曰安得和葛鄂州作

醉媪酒臥媪墟武家墟畔呼呼豐沛中群酒徒喙季
鼻大糟所都誰喚隆準而公乎十二年左蠹還着紅衫
應午炎七尺所臨萬馬環諸王列侯敢不虔獵徒酒伴
隘巷看獨召故老金爵乾惜青春赭朱顏乃思猛士行
將安歸問野雞還我韓

又

鄂州篇衡縣權涓也俯拾所殘悲異代良楚酸謂河高

水流拍天渭雨過之河未然麻姑量海海愁淺三尺鳥
爪沒至鼂大家作計一何長請看何人偏墮短

又

英彭不雌季心所猜今布越耳終當爲豨終當爲豨不
如我先之舊所得猛士十當一無遺十既一無遺安得
不歌以思

照錄又

離渡江八千從非父老是使彼安識籍與梁巴蜀公縞
新城奉三老教發帝喪義兵若河日以東乃知王者師

徐文長文集卷二

二

海山仙館叢書

上親長禮教下首功蜀公親歷效驗明乃知猛士難四
方守易戰攻誰兼不蹄買蹠擊太牢祀鄒鄉聽叔孫
通徵魯諸生驚禮四公遠來于商

子嘗夢書所決不爲事心惡之後讀唐書李堅貞

傳稍解焉

堅貞十七之死靡他

去聲

數夢男子百兩以御貞覺而

志莫知其謂華盛來胥蝶也我貌未悴廢沐垢首塵膚敗

裳如葉未秋虐使萎黃白茲以往夕寢旦覺角雀謝穿

篔梅罷標卷婁雖羶理不樂蟻矧已肉矣曷感而蛾音宜

萬有膠轄曷可詰呵皇矣上帝其將謂何

六昔

昔朋友雉與鷓不得已今爲臯 昔骨肉鷺與鴨不得
已今爲鶻 昔宗親鵲與鶻不得已今爲鷗 昔官府
騶與虞不得已今爲虎 昔乳煦汗血駒不得已今於
菟 昔黔蒼萬夫英今視之蠅所生

徐文長文集卷二

三

海山仙館叢書

青藤書屋文集卷三

山陰徐渭文長著

公安袁宏道中郎編

四言古詩

鴈臺詩

陸子嘗買鴈放之因以爲號又鴈臺在杭江干

左江右湖名山有臺近陽背陰鴈爲之來江海之大矧
繳丸矢待鴈不來涼空覆水主人有馬客亦有舟出白
郭門於焉遨遊群焉以栖人亦鴈爾莊周爲蝶孰揆厥
理買鴈放生入雲出塞有問炙者張目不對

徐文長文集卷三

一 海山仙館叢書

土魯番貢獅

羌飯官驛斯物不的官馬當災騰于馬脊俛嚙以牙嗜
馬肉炙四蹄裂馬如人裂帛獸威孔武觀者色沮媚此
羌胡若媚其母余呀以咨羌曰余乳當其出穴若嬰離
襪不見牝獅惟見我哺斯言不欺梁鴛養虎

青藤書屋文集卷四

山陰徐渭文長著

公安袁宏道中郎編

五言古詩

與林玉兩上人登會稽最高山山出秦望上率可
五六里玉公早有來歸之意因賦以止之

茲山一何爲仰首摩青雲遠去氣色古混沌儻未分引
盼涉陝洛毋乃隔夕曛中有舊社址尙見數偶群短草
覆井水遠松貯氛氳薄雲在其下猶羃高頂墳元釋諒

徐文長文集卷四

一 海山仙館叢書

能居人世未可云念子覺無上夙昔斷羶葷焉能繫不
食焉得不耕耘况茲值秋陽寒氣慘不昕未可來居斯
語子以慇懃

來晨憇廣孝寺

可憐荒宇在於焉恣游賞古砌伏野草唯餘聖賢像巨
碣指高樹御墨浮天上昔人不在斯悠然引遐想曙入
鳥初散道寒露猶瀼回睇高山岑翻然策筇杖

登秦望山

素情忻晏遊碩人事永矢上此萬仞山復沿北溪水顧

瞻江海流神去蒼茫裡後峰千里來旁嶂兩川起往昔
窻中翠今茲巔上視佳哉是觀游吾鄉亦信美

沿秦望溪水

流水澄若無溪魚宛遊空磊磊聚圓石澹蕩偏能工高
寫象山曲伏響迴草中何朝飲麋鹿蹄踪去難窮

秦望山東南下折有峰紫鐵色錯豎似花蕊土人

呼雄鵝突余贈名花蕊峰

錯如鐵色紫出土幾千古寒空盡尙繁秋水蓮難吐刻
削差可擬帶插不添嫵宛如齒齟齬張吻訟所苦千秋

徐文長文集卷四

二 海山仙館叢書

獻組繡名號未得主直少讓中岑他山視應父借言花
蕊峰來春開何處

海樵山人新構

古莽伏圓址新構做方榭去家不百步連山凡幾架衡
門夾栢欄卑池注微瀉群峰列窻牖佳木依簷瓦碑碣
墻垣中階級坡陀下曠霽坦以來遠暮蒼然化亭北指
夕月高臺嘯清夜嘉賓燕屢入麗人時或迓臥榻榭巖
石旁戶達僧舍主人胡不歸樵海未云罷東樵遡遊風
於茲焉息駕

又曲池

澹池疊青山山色落池裡上栽百歲樹下週三折水日
夕衆鳥下客至數魚起助筵摘果實開蕪種芋子上山
一以望高城正東迤波漾堂壁瑩野濶登覽美羨子善
結架多在聚景址彼亭旣孤絕茲地何曠爾

與楊子完步浣紗溪梁有懷西施之鄉

明月照江水截梁與子步當時如花人曾此照鉛素江
流不改易月亦無新故薄雲淡杪林晴沙泛寒露借言
伊人閨應在煙生處

徐文長文集卷四

三

海山仙館叢書

讀莊子

莊周輕死生曠達古無比何爲數論量生死反大事乃
知無言者莫得窺其際身沒名不傳此中有高士

海上曲

雪隱城月高使君梯樓坐縣綆訊諜士但自苦城破問
城一何多數百餘七箇長矛三十六虛弓七無筈腰刃
八無餘徒手相右左轉戰路千里百涉一無舸發卒三
千人將吏密如裏賊來如無人猝至使君下

又

暇日棄籌策卒卒相束手四疆險何限但阻孤城守曠
野獨匪民棄之如棄草城市有一夫誰不如木偶長立
睥睨間盡日不得溲朝飧雪沒脛夜臥風吹肘彼亦何
人斯豕肉方進酒

日暮進帆富春山

日暮帆重征江濶眇無度峰翠逐岼來樹榦寥天去千
里始此行一日卽羈旅石瀨駛清磷雪壑聳殘素回睇
吳山岑蒼蒼渺煙霧

發嚴州舍舟登陸縱步十五里憩山麓叢榛遠眺

徐文長文集卷四

四
海山仙館叢書

江中恠石

乘舟坐無聊遵途岼轉杳急流赴海馳恠石橫江倒仰
睇崑崎側惟見蒼翠矯覆莽映赭壁枝弱不勝烏懸崖
窄可步聚纜密如縑舟子勿前征前路煙生草

將至蘭溪夜宿沙浦

中夜依水澤羈愁不可控遠火澹冥壁月與江波動寂
野聞籟微單衾覺寒重託踪蒲稗根身共鷗鳧夢

早發僊霞嶺

披衣陟崇岡日中下未已雄偉莫兩都噴薄走千里百

折翠隨人一望寒生背高卑互無窮參差錯難理蔓草
結層冰喬木秀縣藟畫餐就村肆小結依崖址去壑知
幾重剝竿引澗水回視高峽巔鳥飛不得比

自浦城進延平

溪山孕鐵英恠石穿水黑馬齒漱寒流冶火融初滴方
艇走石罅白日飛霹靂操舟信有神出人坦然適以知
庖丁者游刃有餘歷循理稱達人險難亦何感

夜宿邱園喬木蔽天大者幾十抱復有修藤數十

尋縣絡溪渚

徐文長文集卷四

五

海山仙館叢書

老樹拿空雲長藤網溪翠碧火冷枯根前山友精崇或
爲道士服月明對人語幸勿相猜嫌夜來談客旅

涪澹灘

黑鰲穴地出噴沫從天下春雪跌深潭驚雷迸鐵罇回
思身所經險恠幾日夜老石萬片焦飛湍千里射藥叉
窺綠淵人命輕一詫或似鼓太冶青銅沸將瀉女媧撒
餘礫頑查攪不化念彼旣憮然值茲殊可訝短檝起沈
舟凸字振深窠因之誤絲髮長與世人謝浪怒一何愚
終古不得罷有時搏陰飈寒色慘朱夏借言呂梁叟何

時容閒暇余雖愧達人笑對成一嚇

閩溪舟槩形如凸字

泛舟九曲

老王亂青冥皇天夜遺蛻餘骨散九州頭顱此焉寄人
視萬劫餘天意一夕計遊艇沸滄波髮鬢熱營衛亭午
入數折冲然元氣閉縣峰昇羽人毛竹倚仙姊辟彼齒
牙蠹生死齟齬內世人不解奇但識世間事示之帝所
遺惟以溪山睇

武夷道士示予魏王子騫蛻首見紫氣

不死者已去死者留人間骨骸自何夕飛置山之顛取

徐文長文集卷四

六 海山仙館叢書

視始伊誰縣縷月屢牽而不如餘魄安臥攢青蓮道士
苦斯役留函閣高椽過客好奇異啟閱請自便茲物真
仙靈磊磊黃琅堅高頂泥丸宮紫氣猶一弦晦明準天
時白黑互糾纏胡爲黃冠流示人禍福先爲予而變易
無乃勞子騫玉蘊山色輝斯理良自然

丙辰八月十七日與肖甫侍師季長沙公閱龕山

戰地遂登岡背觀潮

白日午未傾野火燒青昊蠅母識殘腥寒昏聚秋草海
門不可測練氣白於擣望之遠若遲少焉忽如掃陰風

噫大塊冷艷攔長島恠沫一何繁水與水相澡玩弄狎
鬼神去來準昏曉何地無恢奇焉能盡搜討

十八日再觀潮於黨山

秋水自生幻海若安措手驚雷研雪獅萬首敢先後山
窺本避濡俄驚足下吼老壁拍波塵千仞落衣袖望窮
不見外激灑明滅久人天儼未消劫火燒宇宙往昔每
一凭恐怖經旬晝那知迫視恠其怖應不朽豈惟我恐
怖天地亦應有景往日既遷恐怖亦却走

蕭荷花祠

俗傳露筋娘
娘者卽此

徐文長文集卷四

七

海山仙館叢書

荷花一夕凋萬里秋無色獨遺花烈芳千秋襲陂澤揚
船遡大湖風緊日已夕水鳥習舊栖戢羽菱菰白弔古
解維舟去岍不盈尺秉燭褰繡帷金翹儼宮額燭滅颯
然中神爽凜孤魄念此芒吻微笑營雄虺索豈無冶容
膏貞肌以爲臙念茲不能忘惆悵至明發

送明教往上海

翫雪東門家天寒雪正下繁林積素花群山映簷瓦杯
至不得休語密不可罷鳥集池樹顛色暝天欲夜顧子
同心人而有太息者云我爲道謀安得與君舍余爲重

解疏歛襟向前謝超言雖遣累離緒難釋望駕言春陽
初那得便徂夏執手歸路中衝寒爲君話

寄善畫葛君

展箋不盡規墨色鮮於洗細圖萬壑雲寄我青山裡感
之不能忘聊寄短篇耳

人燕

董生抱利器鬱鬱走燕趙賤子亦何能飄然來遠道行
止本無常譬彼雲中鳥朝飲西園池暮宿北林杪感事
復懷人生年苦不早欲弔望諸君跡陳知者少垂首默

徐文長文集卷四

八
海山仙館叢書

無言春風秀芳草

古山篇贈余君

余君本今人而有懷古思三年臥白雲一醉撫流水握
管掃素箋閉門謝時事懶與今人交自號古山子

贈陳君

珍木無窮羽廣川饒勁鱗皇都鬱嵯峨多士如繁星陳
君在鄉曲少小馳芳聲去我三百里可望不可親昨子
志廣覽自越之燕京見君長安道一問知姓名却復訊
動止握手爲予陳自受相公知忽忽復幾春一朝去鄉

校今作太學生言溫動有禮志壯氣自信哲顏口若海
豐下而長身再往論文史終夕如倒困藻思蔚以妍儼
與骨相并王良御八駿技絕物有神一日驚千里安得
留其行念子復南去攬策臨修程小見同越鳥祗入槍
榆群思君不能置短篇陳素情

戒舞智

富非聖所却貧乃士之常華屋非不美環堵庸何傷多
才戒舞智善閑靡不彰舞智向愚者弄偶於偶場偶自
不知弄爾弄何所償舞智向智者譬以光照光彼光不
受照爾照何由揚舞智兩不售不舞兩不妨請君聽予
言作善降百祥

寄彬中

鄴下老韋布能活刀下人魯連劇排難安得專其名不
見申包子含悽哭秦庭萬馬度關隴救郢却吳軍側聞
同心人急難等赴焚秦師不可出大義凜已明栽傾本
莫致安命以爲貞

答和公旦

高垣沼我驅棘刺長如荻松柏年十寸至今長五尺一

朝鎚籠藩小鷗決蓬翟忽逢東來鴻相煦以雙翼逝焉
渺長江別子當幾日不能偕我飛一顧一悲噫

雪

屋腐隙西椽密雪夜如織朝窺牀簾頭白糝高一尺側
身不敢搖寒籠戢僵翼伴侶同苦辛何從乞漿食

寄王子心葵

葵花似君心向日解違陰葵葉我所愧有足不能衛與
君夙相知把葵吳山時今日相思處南冠繫楚儻

寄陶工部

徐文長文集卷四

十

海山仙館叢書

短劍在匣中秋水蓮花芒芒色豈不好終爲人所防所
貴金玉資含輝有餘光諒哉工部君璠瑜映明堂薰風
動九夏鳴音來鏘鏘至寶吐洪亮不特華澤芳沈思不
能寐攬衣視河梁

筠石篇

片石插寒塘泠泠箭竹黃誰提數寸管坐到一秋長我
亦耽清致傳聞今幾霜翻飛乏羽翼那得到君旁想是
莓苔綠坐令毛髮蒼疊膝嘉肺中望斷雲根觴今我操
題處青棘披孤墻日影淡無色十月梅早芳欲折以寄

遠無此長臂攘料理竹下人應少寒枝香

蔣扶溝公詩并序

零陵蔣先生者迅鷗鵬之遐翮秉龍蛇之屈伸
嘗欲頂摩青天手弄白日不着上下以栖混元
早歲妍精孔孟含藉六經故說有談空不詭正
道昔嘗出宰扶溝晚節薄遊四方挂冠拂衣如
漚在海雖隨光揚波於上代魯連高蹈於海濱
禦寇埋名於鄭圃先生放縱於吾越可謂閉戶
造車出門合轍者矣渭伯兄淮恬澹厭俗弱齡

徐文長文集卷四

七
海山仙館叢書

訪道垂五十春元室冥奧未睹宮墻遭先生遡
舟閩粵放於山陰邂逅天緣值諸行道顧盼之
間疑謂異人遂數語浹襟懸榻彌月過蒙收畜
列諸僕御之徒旣而先生鴻跡遠曠再渡錢塘
期許後來意得執鞭長侍豈謂造物苛猛未更
寒暄伯已化爲異物烏乎陵海尙變人壽幾何
金丹未成玉顏易駐渭每念此可謂寒心先生
哲人胡以導指南向耶頃者又將浮湘江並九
疑直指芝田家門一入渭於斯際能不依依夫

兄所師表弟胡不爾恐塵凡之姿仙聖所拒嗟
哉死者已矣生人去焉存亡惕心永以爲好異
日吸沆瀣之精景陟壺嶠之福庭飛九還之丹
火騎八極之游氣則天凡殊塗相見無日緬哀
伯氏重以離衷因獻五言

伯氏頗好道終歲事修服道上逢異人髭鬚灑林竹修
禮重致問德音美如玉扣之轉微茫焦螟游廣漠冀得
長奉侍雙飛向王屋人命安可期天猶互寒燠念別正
徂暑墓草已更綠灑灑日中霜亭亭風際木逢師苦不

徐文長文集卷四

三 海山仙館叢書

早煉攝總成哭

柳浪堤楚頌亭二首爲溧陽史氏題
夾岍干章柳青春翠浪浮如將曲池水共作遶堤流長
蛇偃青蔭水鳥悅芳柔試於垂縷處一繫木蘭舟

又

屈子頌匪今軼也志空寓千載伊誰子后皇錫嘉樹曾
剌刺崇檐青黃採廣阡

見離騷

永與茲亭留不遷乃其素

昨見

昨見食偶者析偶以爲薪零屋椎股脾寸尺移尻腎心

習本無有斧亦集其垠辟彼偃師工立剖瞬者身彼偃
師者析庸以免其嗔免嗔豈得已爲薪豈無榛何忘食
女德辛苦二十春食偶者答言當其爲偶辰我卽薪視
爾爾自不我知我志如此矣我欲爾也歌爾卽軒厥舐
我欲爾也舞爾卽蹈厥趾我怒爾唇闔我笑爾唇啟凡
我所控提爾卽如我自爾自不覺知昧我蓄薪志

偶也

偶也難億詐爲魚豈無知假令魚爲偶亦安避薪爲此
亦豈無謂聽我歌此詞當魚在沼時沼濶不容坻沼既

徐文長文集卷四

七

海山仙館叢書

不容坻研復朝洗之洗多墨豈少墨積盈沼池從此再
三洗喁險恆在茲唇外無滴漪縫唇墨卽入何況相沫
唏君在大氣中塞海豈氛霾君今口與鼻能免不埃噫
蘇武在虜中磕頭皆羊羝死生憑羝輩起處亦羝隈豈
惟起處隈嬉寧謝羝嬉君儕人如此而況我也魚我聞
君里諺契我魚也志非伴情所知事急隨則隨

狐粉

狐妖幻黛粉窈窕美佳人慕予且宜笑情好緣相親物
與人異調孰識僞與真答子以慙慙靡曲匪好音魅也

一朝敗情歇音則存我欲灰茲音匪乏煬與薪譬以寶
貽魁寶既不我存何由奪而燼存此貽魁曲以不磨魁
愆

補屋

僦居已六年瓦豁綻椽縫每當雨雪時舉族集盆甕微
溜方度楣驟響忽穿棟有如淋漓辰米麥決篩孔五月
候作梅雨接芒種茵耳花篋衣爛書揭不動樵子不
上山薪炭貴如礦生平好樓居值此念愈踴數椽猶僦
人安得峻櫺栢買瓦費百錢已覺倒囊籠命工勿多攤

徐文長文集卷四

西
海山仙館叢書

壁艾聊救痛

上山作松棚

種松六萬餘千五百株活長養二十年大者僅如括西
齋落日多六月苦炎熱鄰園樹木稀遮翳不可得顧言
種樹資求用此時節命兒召兩傭伐幹并其鬣幹以需
柱梁鬣以備周匝四垂慎勿卑涼風任超越時移一丈
板獨踞文竹兀伸紙二丈餘舉墨陡一潑左盤持蟬螿
右罍把饗餐挂衣梅葉稍綠陰灑晞髮濕聞風不覺

一
理葡萄

去冬雪作硤無物不凍死橘柚斷衢州松柏亦多瘠園
有月支藤盤屈四五尺結實苦不多一斛有餘委迨其
堪落時丸丸挂璫水一日十挈竿與鳥爭啖舐將以餽
隣翁竊恐晒微細欲以付果坊不足一瓮費幽之瓶盎
間漿潰敗其脆渴夜艱茶湯暫可灌消肺比者理舊須
應手落枯瘁及至更提攜僵梗忽斷碎如人兩手足而
痿其一臂支幹旣以孤收穫焉可倍夏景苦桑榆聊以
障西墜

刈圃

徐文長文集卷四

圭

海山仙館叢書

草蘖始一寸及壯丈有餘豈直藪卽帶兼以館蚊胥夜
熱不可寐寧止不露居竊恐值此輩股髀遭其咀就中
擬厥罪蚊也尤其渠其他不出境惟此遠迨趨穿幃眇
紈塵打撲不勝劬更番以迭進安得盡屠誅聚響苦不
震萬敲嗽嬰雛工者攪夢寐一夕百起呼蚊鬻固莫遑
草實主其逋呼童問腰鎌不用安所須薙此忽如掃一
翅不得儲譬彼塞垣莽往往伏戎胡打冰燒其荒窟穴
空妖狐莫謂野人賤刈圃非雄圖

鼃磯研

研封石鄉侯喻麋墨
也新樂者青州玉也

向者寶端歛近復珍鼉磯在海感蛟蜃文理多恠奇白者爲雪浪星者黃金泥碎者銀作砂角者絲纏犀舉手摸其理索索鏗響飛分符軍石鄉庸以鑿諭麋曩者辱新樂遠寄青州來一夕忽失守仍召頑滑資一字十研磨一行百推移淹此斫陣馬羈控不得馳乃者董文學匣有方尺儲舉以爲我贈與新樂不殊

問軍中之系於國用

吾宗兩支其一雖衰而時一振尚有召對於朝廷而仕者

最衰者則我之支也

吾宗異秦嬴秉德嗜仁義縣延值盛明仕版頗齒齒先

徐文長文集卷四

六

海山仙館叢書

人秉魚須聯蟬及諸季列秩下大夫往往有三四迨及賢科書至今時一綴萬木有榮凋一體互強脆屈指四紀來孽痺劇一臂耕者鬻其鋤賈者降爲僧士者無一人傭者倚而待飽者幸免饑饉者幸未可至論尤嗣聞十室九蜂蠹墓寢蒸禰時顧影兀孤介甚者乏繼承餒鬼滿蒿蕘余雖有兩兒性頗仇簡冊飲牛未渴辰按項不能俛緣茲傷後昆思欲譖先代念彼從戎人蔓遠爪尚帶况值用也來舉扣其大槩彼衰更倍茲擲筆爲一

慨

慨

避暑豁然堂大雨

梅候苦歔蒸幸得五日霽涼風驅濕魑奏功未全濟眷
言高山顛有堂做西翠松篁作籟竿蕭颯爽神智乃偕
二三子挂絺於其地買酒穿市中炮鼈腥道器止取醉
飽爲安能謹趨避祖跣擇樹依叫號枕磚睡郡邑迫東
廂狂來忘邏逮冉冉日將傾理筇方即邁雷雨自西來
初尙雜晴蜺一言未及終振瓦落簷外衝風捎健鶻寸
進得丈退高景殊卑觀竄鳥在眉際本言迺炎苛翻令
咏奇致百事兼熊魚往往非着意

徐文長文集卷四

七

海山仙館叢書

哀駱懷遠公驗詞

懷遠好詩什近體有佳聲遲余去五泄深衣遠相迎長
身而瘦頰自有山澤清命酒不停筇酒罷有餘情迨予
歸來後往往問寢興巍肩腊松火柿縷霜秋晴寄此遠
筐篚兼致倡與賡何時臥狸首聞之使心驚道遠不得
往逋此泉下羹

野蠶

越桑雖云盛不及吳中繁越女賣釵僅可完蠶山如
斯苦拯救良亦可憫憐如何野蠶種孳息多今年曳絲

滿郊郭食葉留其筋葉葉如蟲網枝枝垂釣緝涎縷無
所用膠衣黏頭巾過者苦拂拭桑女交攢輦提筐往西
園空手歸東隣卽欲買釵珥有錢無桑村嗟彼機上杼
秋來鮮聞聲匪來猶可說國輸良有程衣食無二理蠹
衣與食均嘗聞捕蝗法及此同瘞焚

范母詩

卽燦母

秉節三十年萬有二千夕一夕改霜心曉鏡換粧額范
母二十二獨居在羅幕五十七乃亡天長日幾落獨持
一寸冰萬古膠夜席當夏不得融何況秋霜白

徐文長文集卷四

大

海山仙館叢書

白鷗

錢子易書故曰王
孫蓋鏐之後也

野性悅鳥魚客寓尙籠致正如好竹人借居亦栽蒔鷗
鳥自南來質入西河里王孫好法書籠以易吾字墨絲
繡雪衣綠蜀作襜帔有時嚙喉中鷺若嫺雲際日夕湖
水波秋樹葉微紫送客不出門白玉掃長韮

越王崢寺有僧歐兜脫

伯圖旣灰寒衲蛻亦禪冷都付塑工泥迅矣千秋瞬我
來值桃花有似蝶遺粉一宿歸去來晨齋飽蔬笋

子效索贈其兩叔

勞子爲我言翁去不復活骨魄旣已寒生事亦不熟多
我諸父慈視侄等見列時時惠釜鍾廚中作糜噉

送章蒲圻之官

嘉禎

傾蓋語日斜肉風吹雨竅惜哉越雞翰遇鵠不能抱眷
言激獎私忽駕就遠道尙矣漆園心爲吏不敢傲

柳元穀以所得晉太康間冢中杯及瓦券來易余

手繪二首券文云大男楊紹從土公買冢地一

坵東極闕澤西極黃滕南極山背北極於湖直

錢四百萬卽日交畢日月爲證四時爲伍太康

徐文長文集卷四

五 海山仙館叢書

五年九月廿六日對共破剪民有私約如律令

詳玩右文似買於神若今祀后土義非從人間

買也二物在會稽倪光簡冢地中於萬歷元年

掘得之地在山陰二十七都應冢頭之西尙有

一白磁獅子及諸銅器銅器出則腐敗矣獅尙

藏光簡家閩有黃兔窰

遙思冢中人有杯不能飲孤此黃兔窰件千三百稔券

鏹四百萬買地作衾枕想當不死時用物必宏甚尊疊

羅寶玉裹袂賤繡錦豈有織纖指捧此鍛泥葦存亡隔

一坵華寂迴千仞活鼠勝死王斯言豈不審

又

古人笑不飲此說豈無見五斗叫劉伶哀來淚如霰嗟
彼太康子冢中亦杯坵固知好飲徒無咽可澆噉杯出
黃土中忽復受傾灌譬彼避秦人乃不知有漢我欲學
盧充詣市賣金盃庶幾遇小姨知是崔氏玩

送蘭公子

阿翁學師
也揚州人

耶溪芹藻色相伴秋荷老公子搗重來傷心那可道會
日苦無多相別一何早八月廣陵濤一葉渡殘照

徐文長文集卷四

三
海山仙館叢書

夜雨偕友人進舟雲門

夜影疊中流進舟篁竹浦鳴雨來斷雷山雲濕可譜及
岫沿黑堤攫猪復愁虎燎火得緇徒怖餘澁言語芋爐
聊炙衣一笑賴尊俎

天目獅子巖

巖是高峰禪處相傳嘗爲張真人所
據師爭而有之張道陵與魔爭青城

事見
其傳

我昔聞真人言修不死身選地滿天下與鬼爭青城一
岫插天目宛爾怒猊獐老釋據其口黃冠復來爭黃冠
匪他人云是真入孫朏曇本上聖高道超沈冥說教雖

異軌俱以退讓名區區百尺鐵青紅抹秋榮龍女買色
線一夕繡可成胡爲兩龍象角吻同蒼蠅賦此覺蚩蚩
鑒之慎勿聽

燕子磯觀音閣

青山外美人樓觀卽奩粧若無一片鏡妙麗苦不昌茲
石一何幸值此江中央上乘巨構支下集帆與檣朱碧
得水鮮鳧鴈拂波光煙霧不見海神去萬里長我與三
友俱兼以僮僕雙日西買市飯半道謝驢羶五口將十
足蹶然餒且僵百錢成一遊安得甘旨嘗歸來之燈燭
觀大魚翔

野火

馬血爲轉燐人血爲野火何爲松柏間赤輪陟如跛人
言鬼炬微神者赤而大騶導向空馳填雲盛旗馬枯冢
僻且荒來遊則云那我欲往詢之恐卽無可話隔河聞
於菟黃犢夜在野一夫呼以馳炬滅松露瀉

鷹味嗽相鷹書

也出雜俎

味嗽識奇才千金買遼海鐵翮睽秋空駕鷺百迴敗雲

中作戰場韓彭鼓天外

馬

誰家連錢驄秘撥黃塵起千里一飯間九州能有幾健
兒不得騎淚落青芻裡

犬

少年獵平原左盧右宋鵲兔起鶻落遲一顧先已搏但
莫空中山前頭有湯鑊

狸

狸雖一尺軀猛氣制十里有時怒一號無牙墮梁死安

徐文長文集卷四

三

海山仙館叢書

得此輩來坐吾書匣底

俠客

結客少年場意氣何揚揚燕尾茨菰箭柳葉梨花槍爲
弔侯生慕騎驢入大梁

麗人

何處行雲去遙遙出洞房月裏儻並色鏡中無此粧所
思望不見縞袂日邊揚

才子

佩筆不須長高唐侍楚王紅蘅槩邊出白雪口中翔殺

青供不及一夜白瀟湘

晉酒徒

御史別淳于金釵墮長夜五斗不濕唇雙鬢抱壚瀉笑

殺斗升腸耳熱索竿蔗

共江遊大尖

松茂桃復盛花

萬松滴千山妙翠不可染割取武陵源固是天所遺秦

人跡無有雲中叫雛犬夜泊漁舟來下山尋不見

空上人常住少林索作於菊下

相逢菊花下相映菩提光試問少林壁穿雲幾許長指

徐文長文集卷四

三
海山仙館叢書

月莫盼手擲拂閒挂墻睡軒微作吼獅子一時降

宗孫有別字柱南者索賦

天柱山在城南

天柱插南雲孤城滿蒼翠小鳳讀書餘內履窺粉雉大

魚作鳥飛風穿萬林鼻舍北以圖南物與人意會念彼

共工額幸不觸斯際不然小折傷恐煩太皞妹小鳳顧

予言補天吾掉臂

輪史上冢千金

吾叔邵武公當年與我翁雙陪闕蜀守竹馬走兒童歸

來知幾日相繼歸窳窳黃泥閉雪髭欲會那可得叔家

城北居高棟亦彫題邀賓夕駐馬爲母日烹雞一朝桑
海換不能保子孫負薪家上道養鴨水邊村我今六十
五仍高破角巾年年上爺冢每每到孫家孫家留我坐
孫婦辦湯茶以我上冢吐啖孫且滿引遶籬黃蝶飛抽
籬高碧笋起視檐西東分簷住蜜蜂問蜂窠幾許四十
還有餘窠窠如不敗勝我十畝租

鶴攫鵲雛鷹翻然來救

水鳥修其脛插彼茄菰澤俛啄蝦魚深不下三尺况
乃喙中倉可內寸鱗百江海饒此州何往不充喙雄鵲

徐文長文集卷四

五

海山仙館叢書

知乳雌作室高樹末三月始罷斤是予親所炙長脛一
何饕掠雛剽其宅叔兩三頭自竄寧顧伯顧鵲翁與
母叫噪徒頷頷蒼鷹等路人與鵲少平日不作鄉隣看
被纓救其格特恐李陽拳難螫鳴堦額盛邀爽鳩雄並
是夷門客朱亥袖鐵椎侯嬴出奇略左右信陵軍一舉
解趙壁五國破大秦九合成小白義高誠足憐多美亦
何碩磔虺黑柏顛獨奮少犄角猶煩拾遺歌不朽俠徒
迹三復鴟鵂詩白日爲儂黑

感鷹活鵲雛事困憶曩衛衙梓巢鵲父死於弩頂

之衆擁一雄來匹其母母哀鳴百拒之雄却盡
啄殺其四雛母益哀頓以死群凶乃挾其雄逸
去

鶴婆止一時古語亮匪誣戟門巢梓者狹斜挺羅敷少
年繫青絲蹶張戎侯衙胡不自長守轉殪雪色顛乃向
琴瑟杪落此貞女夫群雄太無賴挾鰥匹子都有如黑
媒姆送贅填門閭借衣盛絳蔡叫呶傾百壺玩習爲故
事指鴈翻濶迂孰知狹斜內而有羅大家賊雄殺黃口
希以威怖圖殉夫義可族何計收其孥此事去已久三
紀頗有餘其時裂肝膽狂走日夜呼安得毛摯俠似此
鷹活雛弇州隔幾海有物暗高梧

設爲魚蝦所詰

啄鵲憎大鳥無恠吾子然從臾飽蝦魚子意一何偏鱗
卽賤於保於羽何擇焉盛冬水如石膠鬣不得旋孕腸
急輓鼓張目不得眠菱菰芽始白桃花漲春田熨塊出
鼻瑣多死漁者筌鱗祿及鵲鷖較估誰艱難矧茲網罟
酷百倍鳥有鷗雛攫子不許鱗爛子許旃乃垂溼園理
奪蟻與鳥鳶等爲一盜耳何猛此彼寬竊東子則許竊

西子拘鉗波臣詰如此而我難爲言衆生遞吞噬此業
何時捐西方古先生解破萬壁堅龍門儻罷躍飛去好
相叅汝或未卽去我姑代彼宣三戒嚴重殺五淨肉亦
權鵬飽六月息孝先腹便便

天竺僧

揚帆三竺淚弭錫五羊城黑人初以涉琉球次所經波
弧十五兆日矢九千贏初至黑人次至琉球至廣州凡
涉三萬里歲三周以弧矢筭之
得此人疑鵬六息彼視蠖一信衍旣隘九土師亦眇八

垠片楮畫大卵沃焦灑孤萍劈芥內閣浮粉塵陋虛鄰

徐文長文集卷四

三
海山仙館叢書

鐵籠臥龍象銀瀾恬蛟鯨梵唄隻字掃江海百谷臣云
胡白攲底乃有赤篆文象宵幾何譯龍樹鮮志嗔挂履
度蔥嶺跌湫蛻巖雲投夾載南寺乃偕領西昆漏沙自
箭準聖水他濤奔有爲乃復爾無量何由臻相色示戲
幻接引詎勞塵白馬幸維寺黃龍未演輪薄痾阻問訊
擬待桃花春

煩吳伯子治墓堂

火瘞世曰凶水封豈佳卜兩徙踰五紀先魄偃幽瀑多
子爲我更我遽往京國買石百尺餘托子安墓卓子允

辦未遑我歸上冢哭鵝魴設未已老雅掠豕肉候果墓
旁兒指告蟻上燭草設無威儀人忘物不肅坐此無歡
期改燧十二木乃三年也昨者賣字錢募工可五六仍以煩
吾子歎百了一役

早禱十七韻次陳長公

旱魃虐以猖商羊乃深避雲漢夜昭回遵彼槁條肄絕
意豕涉波必死蚌持翠蜥蜴山澤窮豕豕屠賈致黃縑
遞唄詛元冥等聾瞶如聞柴望禋感通有精義洪疇儉
恒陽絲露肅常饋商林沃乃深秦天豈終醉壇今隣閭
闔闔亦撤幽閎雷吏綠章封寧有不達字油然未崇朝
沛爾條濡漦虎貓效蜡勞豐隆囂群崇連臂解桔槔極
目醒枯悴歌帝悅穰報典虔惴惴窶人無農憂連夕
美涼寐農獲譬中行美寐狷其次糴賤勝作農先生有
酒食

陳長公餉日鑄茶瓦窰港銀魚白下法炮巨鼈夜

酌深談次其韻

日鑄標槍芽月團捲旗避織甲赭舊條柔針綠新肄瓦
窰五寸銀脊色偃微翠雙裙誰可談九肋底能致伯云

準食醫治以聰我贖斟炮法內京酌長非外義珍此五
侯鯖慚余十漿饋主既唱無歸客顧稱未醉階蟲先秋
吟徑竹上霄闕叔夜寂鳴琴子雲寥問字待扣匪洪鐘
立涸是盈遂泗鼎曠沈淪神姦恣精崇伍員終鴟夷三
閭竟憔悴白駒返谷空黃鳥臨穴惴千古究何窮再燭
不能寐曲禮問更端梵詮編復次伯楹既已空吾出吾

簞食

伯子近
稍重聽

修拄杖首修髮網膠漏磁壺及哥窰甌某亦病隻

耳聾次前韻

徐文長文集卷四

三 海山仙館叢書

猾器幸自殘黠繇巧規避辟諸鞅掌人彼逸此獨肄一
竹楚啼頰雙磁越窰翠物菲人易求道遠我難致無丞
有重聽髮覆彌黨贖約髮無紀綱晨帳缺宋義握粟付
驥工寧減朝食饋詎意彼驥者無往不辭醉編纓高箱
塵馬尾枯橐闕踉蹌攢入針邀呼輪四字浪言伏卯清
竟滌下流遂櫛束起鬢鬆嘲呼免臚崇竹返磁亦歸黜
補色終悴注瓦智靡昏捧玉神若惴甌破視何益囊空
臥安寐辱卽寵爲下老子云寵辱若驚爲下孔云其次
辟色色卽禮貌之衰也其下則饑
餓受周近 辟乃色最次屠門盛豕交寧爲愛而食

早甚久不應禱再追前韻

祝融黨義輪元冥引車避課窮燧人蘇徵及棗杏肆轍
鮒槁厥頰壇緞禿其翠走索華陽逋沈瘦永難致竟辜
燒尾恩翻仇療角贖玩悒如不聞曠療秉何義余齋廢
酒沽朋祭阻肉饋方嗤澤畔醒敢思河朔醉承風獨有
雌納月幸無悶哽哽向隅悲咄咄作空字朝筵聞客云
宵鋤盜隣滋雲密不東郊竦孽復西崇昨才凜今靡舊
殍理新悴漸少播乞驕而多褐犬惴待盡歌有爰無吡
祈尚寐感此疾威具遣以競病食

送友人

徐文長文集卷四

无

海山仙館叢書

寒風夜中起游子朝作客河流一尺冰屋瓦三寸雪君
把轡與鞦觸手冷於鍊此時山中人覆絮敗毛褐欲寄
寄莫由此意共誰說

送王雪漁北上

淮陰所佩劔不審值何許佩劔以釣魚於義亦何取一
日幾垂竿竿竿可幾鯉叶乃至捐漂廚庸以益漁腑我
取魚之劔聊略爲漁估卽非百金資可易數月黍漁也
智絕倫何獨昧茲輿腸饑乞可爲劔去何所仗之楚復

之漢漁並仗劔往可以負漁竿踉蹌見劉項猝辦恐後
時載質先出疆叶上聲王郎不釣魚故亦無竿餌聞郎所
持竿貫以山中紫毫長一寸餘竿只五寸止居則南狎
越行則北聳燕淮陰劔三尺郎劔五寸縣歸來報千金
漂母是何人封侯劔不取却取釣竿親

吳季子餉我細腰壺蘆石上芝

葫蘆老細腰乃似細腰女卽令楚宮來今亦不堪舞我
聞方外醫庸以盛藥九梧子及魚眼可容百萬千老圃
畜蔬種亦夠一頃田我旣醜醫帳亦復少蔬阡擬挂於
扶老支吾五岳顛心強足不健終歲掩帳眠止取作蒸
鴉聊以謔客涎

又

芝朶雖不潤芝色堅且古根鬚絡拳石如筋蝕臂股絡
古不復脫初芽寧藉土石色旣已黃芝紫亦稍嫵有如
意魁梧狀貌乃婦女穀城弔老人淚下潛如雨置我箏
研間長與留侯語

大寒嶺啖新胡桃頻婆諸果

北游作

天險旣已異地產應亦殊胡桃及平波朱碧明椒隅人

夏而徂秋葉翠尙不渝但少鳥與雀而多羸與驢易水
非不邇灤河不爲迂但求一寸鱗如海求猿狙遙想燕
太子食客焉得魚以知荆高徒日嚼羊與猪猛風增食
肉嗔憤易睢盱慷慨赴秦庭不復顧其餘乃緣謀略短
豈真劒術疎舞陽一豎耳何乃與之俱哀哉樊將軍空
割一隻顱國有千乘大能用王可圖乃恃五寸鐵爲計
亦何愚

往馬水口宿煙麓陀庵

昔從良涿行茲山在雲際昨夕宿茲山雲乃出衣袂四

徐文長文集卷四

三

海山仙館叢書

徒夾一輿兩膝拳至鼻一里轉百盤鋸牙不得直結葦
以爲廬削木冒金髻夜鐘但超懸晨雞聊一嗜巉巖旣
高騫嶺岼復孤厲回思燕趙時築城邊胡騎安得盡如
斯脫巾開戶寐

湘竹一妙管付截壞其頂文

武侯敗街亭馬謖違節制兵穎迥不同大小俱是事茲
管湘中來百中其一耳有如玳瑁魚腦血徑彈子又如
鸞與鶴頂發楊梅紫全體匪不華獨此猶覺異詎可拘
尺寸但須存紋綺畏炎不得行付托昧厥旨舉刀一鏗

然顛落不可止持歸以復予魚鶴不成理對之一捧腹
削圓方竹比

口中

口中萬吞吐莫道一俗字芻豢離喙屑冰雪滿牙齒身
中百所爲亦莫涉一俗但爲鸞鶴翩暮卽雲霞宿有斤
不削人有繩不直木淤泥填大千荷葉自抽綠從此戒
爾後慎莫蹈往覆有如垂教言斷舌肘其足

騶虞

騶虞生猛虎鳳凰產臯鷲二聖有朱均太虛亦青萼纖

徐文長文集卷四

三

海山仙館叢書

纖妙膚理盎然長疣贅梗柅固鴻材鍾斛瘦其際橘柚
匪不甘豪蝟匝芒刺美惡一何殊胎孕乃非二越雜伏
鵠卵變之苦無計果羸秉何神蛸蠋乃能似

曇陽

曇陽一髻左道人三朵花誰云只是你安知不是我大
海徹岝冰小生沒處躲

又

聞道居縣竹看來幻落花團團輪北斗處處種西瓜遍
地皆祇樹何方不落伽

又

無鼻無眼孔有頭有尾
巴蛟龍大蠓蜒蝌蚪小蝦蟆
一結生百結百些無一些

又

將軍騎健馬稚子打慈鴉
各奔前程路都來暮鼓衙同
舟迷敵國驀面認通家

又

何事移天竺居然在大倉
善哉聽白佛夢已熟黃梁托
鉢求朝飯敲鑼賣夜糖

徐文長文集卷四

三

海山仙館叢書

又

明知騎竹鳳還道媚妖蛇
可恕者落帽難饒者脫靴一
靈生滅已百吠是非耶

又

男女兼黃白丁寧囉再三特
將鐵掃帚痛掃世姪貪竊
幸師與我不異青與藍

又

火龍長九九泥蛇八十一一物而兩呼
兩呼只一物將泥認外蛇見蜂硬割蜜

好人不在世惡人磨世尊聰明管自己闕冗任乾坤遺
命云聞帝多應是嚇人

又

獅子吼未歇蝴蝶雲已來眾生自矇矓抵死致疑猜認
賊由他去謗佛何為哉

徐文長文集卷四

三

海山仙館藏書

頰由餘去藉將何為哉

獅子吼未歇蝴蝶雲已來眾生自矇矓抵死致疑猜認

命云聞帝多應是嚇人

青藤書屋文集卷四

青藤書屋文集卷五

山陰徐渭文長著

公安袁宏道中郎編

七言古詩

贈呂正賓長篇

海氣撲城城不守，倭奴夜進金山口。
銅釜半傳鷓鴣膏，刀血斜凝紫花繡。
天生呂生眉采豎，別却家門守城去。
獨攜大膽出吳關，鐵皮雙裹青檀樹。
樓中唱罷酒半曠，倒着儒冠高拂雲。
從遊泮水踐繩墨，却嫌去采青春芹。

徐文長文集卷五

一

海山仙館叢書

呂生固自有奇氣，學敵萬人非所志。
天姥中峰翠色微，石榻斜支讀書處。

三茅觀觀潮

黃簷繡字金鈴重，仙人夜語騎青鳳。
寶樹攢攢搖綠枝，海門數點潮頭動。
海神罷舞迴腰窄，天地有身存不得。
誰將練帶括秋空，誰將古概量春雪。
黑鰲戴地幾萬年，晝夜一身神血乾。
升沉不守瞬息事，人間白浪今如此。
白日高高際不光，冷虹隨日縈城隍。
城中那得知城外，却疑寒色來何方。
鹿園草長文殊死，獅子隨人吼祇樹。

吳山石頭坐秋風帶着高冠拂雲霧

陰風吹火篇呈錢刑部君附書

八山

側聞公遠臨江游普薦國殤補化理之不及超

沉淪而使脫涓敷揚鮮才歡喜無量賦得陰風

吹火篇以獻附書別作四首兼乞覽觀率戲效

李賀體不審少有似否別奉唐集一部伏希垂

納

陰風吹火火欲燃老臬夜嘯白晝眠山頭月出狐狸去
竹徑歸來天未曙黑松密處秋螢雨煙裏聞聲辨鄉語

徐文長文集卷五

二

海山仙館叢書

有身無首知是誰寒風莫射刀傷處關門懸燹稀行旅
半是生人半是鬼猶道能言似昨時白日牽人說兵事
高旛影臥西陵渡召鬼不至毘盧怒大江流水枉隔樓
馮將呪力攀濃霧中流燈火密如螢饑魂未食陰風鳴
彌靄避月攫殘委幡底颯然人髮豎誰言墮地永爲厲
宰官功德不可議

楊妃春睡圖

守宮夜落胭脂臂玉增草色蜻蜓醉花氣隨風出御墻
無人知道楊妃睡早紗帳底絳羅委一團紅玉沉秋水

畫裏猶能動世人何恠當年走天子欲呼與語不得起
走向屏西打鸚鵡爲問華清日影斜夢裏曾飛何處雨

雪

暮天寶色珊瑚紫海氣結雲雲不盡瑤闕重關金鎖寒
枕席無歡帝妃死百神走馬散曹吏馬蹄踏空神各視
天孫織手裁素羅總帳橫施九萬里鮫人絲色光海波
海崖輪織一萬馱神人買賻不足用長鬟散縞呼諸娥
世人不解天上苦羅帳錦箏圍日暮換取貂襴拂玉鞍
起向山南射黃兔

徐文長文集卷五

三
海山仙館叢書

萬里比隣篇贈嘉則

白藤織笈春花密青袍剪水波紋濕出門寸步卽天涯
幃底牽衣絃正急關山斷路不斷雲吳刀割水那得分
章華楊柳弄舊色何地却少春申君人生遠遊須及春
青天能容七尺身芳草長途去萬里望望吾家隨處是

述夢

伯勞打始開燕子留不住今夕夢中來何似當初不飛
去憐羈雌嗤惡侶兩意茫茫墜曉煙門外烏啼淚如雨

又

跌而濯宛如昨羅鞋四鈎閒不着棠梨花下踏黃泥行
踪不到棲鴛閣

今日歌

是年虜寇古北口入薄都城

琉球佩刀光照水三年不磨繡花紫換錢解向市中懸
我貴彼賤無人市家惟此刀頗直錢易錢不得愁欲死
客問此刀值幾何廣州五葛飛輕雨乃今求市不較量
但輸三葛錢亦止千人十往九不顧向刀長立折雙趾
一日不食良已饑兩日不食將何以却走異縣告長官
往日停車儻知己平生自有孟嘗心今日翻恩門下士

徐文長文集卷五

四

海山仙館叢書

二馬行

誰家兩奴騎兩驄誰是主人云姓宗朝來暮去夾街樹
經過煙霧如游龍問馬何由得如此淮安大豈清泉水
曾排兩嶽橫難羈尾撒圓毬驕欲死陽春三月楊柳飛
騎者何人看者稀梅花銀釘革帶肥京城高帽細褶衣
馬厭豢養人有威出入顧盼生光輝去年防秋古北口
勁風吹馬馬逆走對壘終宵不解鞍食粟連朝不盈斗
將軍見虜飽掠蹄據鞍作勢呼賊走士卒久矣知此意
打馬追奔僅得殼天寒馬毛腹無矢饑腸霍霍鳴數里

不知此處踏香泥一路春風坐羅綺

送蘭應可之湖州

梅黃雨霽帶陰輕送客西門驛路平會多忽別疑且驚
愁心應手絃淒清荷花鏡裏紅侵舫時共舫遊楫徐漾
思君茗溪若天上空佇清歌對誰唱

觀獵篇

并序

王將軍邀予觀獵時積雨初霽飛走者避匿予
從將軍諸騎士牽狗出太平門抵海寧沙上頃
刻馳百餘里不見一雉兔而還乃割所攜鮮飲

徐文長文集卷五

五

海山仙館叢書

月唐寺中

茅刀割水嬌紅蓄風偃寒稍臥長堰青林疎樹隔荒墳
白水茫茫看不見將軍本是北平豪記得依稀身姓曹
怕向揚州作貴客慣從下澤驟鳴鑣萬里秋郊平似舸
千騎圍中一是我箭叫餓鴟龍騰快馬趁鹿逐麋解絛
掣鎖耳後生風鼻頭出火自來此州殺賊不暇早鷗氣
銷韓盧魄墮昨見儒生衣長履大入揖令公揮金不謝
抽筆制詞彎弓輒射任釋挾屠刳牛食鮮外枯中腴無
所不可促騎請邀徵徒出野牽天莫遲見兔輒打儻遇

大兕一發斷髀爲先生壽引滿十斝健兒跪領將軍言
翻身上馬去如煙寶刀映日不足數角巾受風真可憐
淺草平堤水痕聚萬蹄避水移家去沙擁肥螯掠岬飛
絲牽小豸當空乳漢將窮追路欲闌胡家甌脫避何難
今朝立馬祁連上不見匈奴一騎還

題侄子家所藏雙鳳鳴陽畫

海水動天天欲曉天曉日炙珊瑚老鮫人泣夜不得眠
早起來聽鳳凰叫梧桐百尺秋雲際竹梢覆水千年子
一飛一宿還一鳴百神張樂鈞天啟梧生誠亦難鳳出
良不易願以黃金鑄梧樹莫教飛向丹山去

畫鷹

閩南縞練光浮膩傳真誰寫蒼厓鷺生相由來不附人
綠溝空着將軍臂八月九月原草稀百鳥高高兔走肥
煙中歛翼遠不下節短暗合孫吳機此時一中貴快意
深林燕雀何須避惟將搏擊應涼風誰貪飽鸞矜山雉
昨見少年向南市買鷹欲放平原轡凡才側目飽人餒
不似畫中有神氣夜來鳴梟作精魅安得放此向人世
秋風一試刀稜翅

贈歌者

東風吹雨楊花落清歌細遶鳴鐘閣斗酒將傾客不來
白日斜飛晚雲薄回腰欲舞不得舞試買羅衫倩誰估

對明篇

四明山高萬丈南爲姚邑面前屏北卽新昌後門障新
昌有客身姓呂要與此山約爲主尺素馮將一穴通屋
後安窓小如許窓中有時颯風雨說是山靈教送與夜
來猛虎嘯一聲雄心枕畔風吹去長安花枝高入天金
陵有酒多如泉花留酒勸不肯住歸來只愛窓中眠窓

徐文長文集卷五

七
海山仙館叢書

中有書積萬卷書書盡是山靈管有才無命不干時亦
對山靈同一莞聞道去年醉采石醉去狂來呼李白散
髮題書萬竹中騰身舞劍青天側此時山靈失主人自
騎青虎尊復尊內眼那知神道至主人自識交親臨榻
來筆端自有神橫開醉眼雙作噴此時墨雨添江水此
際詩花弄莫春莫春江水渺無邊射策封書復幾年明
珠不遇賈胡識寶劍難酬夜色鮮詎諧漢庭方朔老如
聞永謝長安道况我今爲抱拳人蟻虱移家宮絮禩兩
人曾作青春身當時同說不同貧君今幸不爲樊鹿亦

似蛟蟠不得申蓮花之峰亦佳麗君胡中道相捐棄邀
我題詩對四明我自貪君百壺肯只恐蓮花喚四明喜
我亦付之一醉矣

繼溪篇

海水必自黃河來桃樹還有桃花開試看萬物各依種
安得蕙草生蒿萊龍溪吾師繼溪子點也之狂師所喜
自家溪畔有波瀾不用遠尋濂洛水年年春漲溪拍天
醉我溪頭戴酒船一從誤落旋渦內別却溪船三兩年

北雲篇

徐文長文集卷五

八

海山仙館叢書

君家樓北樓子山大椿千年去不還白雲一片松間起
游子相望淚如雨殷勤夜烏莫更啼東方日出煙生縷
賦得百歲萱花爲某母壽

二十年前轉眼事憶共郎君醉城市阿母烹雞續夜筵
夜深燭短天如水我母當時亦不嗔郎君過我亦主人
兩家酣醉無日夜罈愁甕怨杯生茵只今白首二十載
我母不在爾母在八十重逢生日來雙屣况復門庭改
我今破網未蕃然兩翅猶在彈丸邊郎君長寄書一紙
阿母多應贊一言上壽誰人姓張者圖裏萱花長不謝

阿母但辦好齒牙百歲筵前嚼甘蔗

楚宗室雞將啄蟻畫

錦葵巢下雄雞白黃蟻有翼飛終澁不應草葉更相遮
五寸荆軻千里隔王孫妙思快啖吞馬遷奇筆寫鴻門
當機對敵只如此翻令看者飛心魂

沈刑部善梅花却付紙三丈索我雜畫

長安街上塵如霧葛布眼眼風難度歸來掃溷索長箋
一束溪藤沈刑部墨漿五合飽蒼蠅刺葉藤花畫不
成門前銅盞呼人急却是冰兒來賣冰乾喉似火逢薪

徐文長文集卷五

九
海山仙館叢書

熱一寸入口狂煙滅自慚野卉不成妍刑部梅梢如枸櫞
送陳君會試

霜花作錢綴芳草折荷送客邪溪道荷乾葉老障啼鴛
不及梅花弄清曉折却梅花贈所知娥江東邊舜江西
封書七尺長髯客早晚長安白馬嘶長安白馬去如雲
杏花有情要逢君爲君留却花三載肯倩東風嫁別人
去年君來棘墻柵半醉不醉秋月白遣我海蚶題三百
瓦溝一一瑩霜雪今年君馬向長安我無一絲挂君鞍
但飛一滴相思淚萬里隨風到杏園

天壇

高皇乘此馬夕月今誤用之
爲郊白雀事見酉陽雜俎

張公當時騎白雀下與高皇共斟酌一從九鼎向幽燕
碧壇空鎖琉璃斲古松舊栢黑成迷綠瓦從中一雉飛
揚雄不得陪郊祀空憶當年執戟時龍駒遠自施羅來
開平已死無人騎却付羽林誰健兒壓沙五石緩其蹄
真人雄心老更雄月中自控赴齋宮四十八衛萬馬
中一塵不動五里風黃栢太苦蔗太甘盛時文字忌新
尖當時作頌卑枚馬付與金華宋景濂

十六夜踏燈與璩仲玉王新甫飲於大中橋之西

徐文長文集卷五

十
海山仙館叢書

樓

樹枝畫月千條弦十五不圓十六圓挂向酒樓簷外邊
南市好燈值底錢大中橋上遊人坐不飲空教今夜過
紅脂在口香在樓那能一個到壚頭青衫白馬無聊甚
望斷黃金小鈿鞦

六月七日之夕與梅君客生及諸鄉里趨涼於長

安街醉而稱韻得片字

長安白苧風吹斷銀河瑟瑟難成片楚人慣自唱陽春
一曲未終人已散西內湖荷沒鶴長裁笛不得只聞香

東方萬瓦寒樓閣月照金鳩琥珀黃

摩訶庵括子松下聽弦上人彈琴

上人號無弦云
翰林人所與

括子松知幾樹黛色遙遙入雲際上人彈琴坐其底十
指引出七條水松清琴妙聽者寒松葉堆翠成高山流
濤遶殿撼鐵板獅子欲吼復不敢泛聲忽歇浮雲住細
猱一寸猿騰去南園玉蝶隔花聽東海金鳩乘霧語頽
師一曲悲昌黎我亦聞弦別鶴悽悽來忽問無弦肯指
鳴弦鳴須答對是不是問太史

諱雪

一笠黃茅小草屋也
巖巖一甕齋瘠儒也

徐文長文集卷五

七

海山仙館叢書

梅花一夜窓中見昨冬少雪春無霰寒來借景苦無多
窓小只須三百片每舉枯杯對此花只愁落盡是風沙
誰知滕六雖無賴亦遣殘綃縞樹又一行分向朱門星
誤落寒酥點羊肉錦屏不使凍胭脂飛絮落鹽絃上撲
四條觔急冷鷓雞一二時中肉作圍豈無一笠黃茅裹
僵殺巖巖一甕齋初起青蘋本亦同大王畢竟是雄風
總令受者自分別難道青天秉至公

白鷗詩

閩南煙雨迷青嶂孤雌挾子飛天上却憶羈雄不得歸

兩槩深籠鏡波漾片雪長梢向尾分有時夢見武夷君
山長水遠無書寄不及南飛鴻鴈羣主人爲爾苦惆悵
開籠欲放非難放增繳鷹鷂何處無萬里馮誰報無恙
空買握錐郎

城西南握錐郎醉臥人家樓上牀樓上女兒髮未長汗
脫胭脂浣午粧錐郎雙管舛正急女兒一見走且僵走
向廚中喚爺娘認是西家老鴟鷂從來不亂雌雄匹定
是多爲麩粟傷扶下樓層梯十二明朝說與都不記豆
蔻孤香依舊含葡萄千日如前醉我聞此語高其人有

徐文長文集卷五

三

海山仙館叢書

迹無心那可噓東墻桃花各有主肯使西家共個春楚
國才芳無宋玉東鄰如花女獨宿攀墻喚玉已三年玉
對楚王豎可憐小臣不比登徒輩似隔銀河路幾千阮
籍酬來眼不青阮咸醒處大奔鷄借馬追姑生奪婢因
喪弔女哭無情哭無情笑有態倒千金須一買即使囊
空買不成韓香竊却未相應罷繡豈少倚市門且須濁
水澆乾唇投桃或可求連理贈藥安知不涓津烏雞醜
獸亂羣卓軫鳳皇生逾賤韓塚鴛鴦死越芬青陵一曲

崩高雲

星渚篇

昨夕夢見張騫至今朝忽遇婁星渚同是天河往復還
可曾相識牛和女牛女迢迢河漢邊烏鵲爲橋半月圓
黃姑憐彼久離索折取瓊枝插作妍龍山盡處深波白
夜夜子來弄明月釣竿拂却珊瑚長波聲細作琵琶咽
此時子思橫不禁此際蕭郎繫妾心樓中刻漏滴復滴
月裏梧桐陰復陰婁子訝子醉欲去去買鯉魚長尺許
旣教柳葉出娥眉更取花枝催羯鼓鼓聲高急似鳴鼉
星高月落奈如何依稀鵲叫東方白爲作迢迢星渚歌

徐文長文集卷五

三

海山仙館叢書

無題

中秋作

黑雲風搓成細索皎月天開空霽落雲索條條有時斷
月皎夜夜同君樂杯酒壺觴不盡興坐到天明復沾飲
彩雲五色月染成添護蟾宮桂花影

廿八日雪

時綿被盜

生平見雪顛不歇今來見雪愁欲絕昨朝被失一池綿
連夜足拳三尺鐵楊柳未葉花已飛造化弄水成冰絲
此物何人不快意其奈無貂作客兒太學一生索我句
飛書置酒雞鳴處天寒地滑鞭者愁寧知得去不得去

不如着屐向西頭過橋轉柱一高樓華亭有人住其上
我却十日九見投昨見帙中大可詫古人絕交寧不罷
謝榛旣與爲友朋何事詩中顯相罵乃知朱轂華裾子
魚肉布衣無顧忌卽令此輩忤謝榛謝榛敢罵此輩未
回思世事髮指冠令我不酒亦不寒須臾念歇無此事
日出冰消雪亦殘

題畫

南海荔枝我曾喫今見雙鸚奪殘一邊郎元是隴西人
乃能畫此南中物我聞南海之枝更絕倫却只聞之未
入唇不知雙鳥爭殘顛只是海南還是閩

鄭本白兔

噫吁嘻蝦蟇無翼能載羿妻宋鵲之捷寧不能飛人言
日廣千里月亦如之七爲樓臺三爲坻吳罌斫桂不得
睡帝命牽犬而獵之婁金之宿徒有光芒趙簡之翟旣
以贈將罍兮持手不得獵下呼鵲也騰蒼蒼玉兔告墓
墓不得庇宋鵲上天玉兔下地

沈叔子解菴刀爲贈

沈子報讎塞外行一詫便得千金買馬買鞍意不慚

更買五尺番家鐵鏤金小字半欲滅付與碧眼譯不出
細瓦廠中多狐狸京師夜行不敢西叔子佩之只一過
黃蒿連夜聞狐啼今年我從上谷行中丞遺我聊癸庚
買驢南歸只兩旬只愁馬上逢黃巾叔子見我無所仗
解刀贈我行色壯畢竟還從水道歸挂在蓬窓兩相向
一日十拔九摩羊鞞影鱗鱗入河須臾報道漁罩外
電脚龍騰五尺梭

客強子畫十六種花因憶徐陵雜曲中二八年時
不憂度之句作一歌因為十六花姨歌舞纏頭

徐文長文集卷五

五

海山仙館叢書

亦便戲效陵體用陵韻

東鄰西舍麗難儔新屋栖花迎莫愁蝴蝶固應憎粉伴
牡丹亦自起紅樓牡丹管領春穠殺一株百蒂無休歇
管中選取八雙人紙上嬌開十二月誰向關西不道妍
誰數關頭見小憐儂爲頃刻殷七七我亦逡巡酒裏天
昭陽燕子年年度誰能鏡裏無相妬鏡中顏色不長新
畫底胭脂翻能故花姨舞歇石家香依舊還歸紙研光
莫爲弓腰歌一曲雙雙來近畫眠牀

予作花十二種多風勢中有榴花題其卷首曰石

醋醋罵座

洛陽城中崔處士花園麝起花妖至封姨十八太顛狂
石家醋醋新高髻醋醋能嬌百帶牢珊瑚枝上織鮫鮓
明珠似月搖難落冰住黃魚白鯧膠封姨身重不能斤
翻杯濕却石家裙初來競唱迎姨曲轉眼翻爲罵座人
朱唇粉暈山眉遠愁來皺斷春蠶繭石娘嬌小不辭觴
夜深潮淺腮紅軟金鈴不動仗崔徽明歲馮他十八姨
借問當時諸女兒可似此中數抹藍燕脂噫吁嘻胡蝶
灰黃蜂錐封姨之風豐隆雷問畫圖有與無十八姨胡

徐文長文集卷五

六

海山仙館叢書

爲乎高陽酒徒燕市狗屠耳熱之後秦箏鳴明日重
陽無錢可沽十八姨胡爲乎十指握鈎五白呼盧夜叉
子都同醉一壚十八姨胡爲乎

蟹

雖云似蟹不甚似若云非蟹却亦非無意教君費裝裹
君自裝裹又付題世間美好人奪冒略涉小醜推何誰
此幅難云都不醜知者賞之不容口塗時有神蹲在手
墨色騰煙逸從酒無腸公子渾欲走沙外漁翁拘楊柳

王鷺亭鴈圖

本朝花鳥誰高格林良者仲呂紀伯矮人信耳輒觀場
只曉徐熙與崔白崔徐一紙價百金風韻稍讓呂與林
卽如此圖王鷺亭云是剡溪雪夜人鴈兒一掃六十隻
何隻不落青天雪沙黃蘆白喜相逐逸者飛鳴勞者宿
不須彭蠡泛扁舟彭蠡湖今在吾目

畫百花卷與史甥題曰嫩老諱墨

世間無事無三昧老來戲謔塗花卉藤長刺濶臂幾枯
三合茅柴不成醉葫蘆依樣不勝揩能如造化絕安排
不求形似求生韻根撥皆吾五指栽胡爲乎區區枝剪
而葉裁君莫猜墨色淋漓兩撥開

又圖丹應史甥之索

陳家豆酒名天下朱家之酒亦其亞史甥親挈八升來
如椽大卷令吾畫小白連浮三十杯指尖浩氣響成雷
驚花蟄草開愁晚何用三郎羯鼓催羯鼓催筆兔瘦蟹
螯百雙羊肉一肘陳家之酒更二斗吟伊吾逆厥口爲
儂更作獅子吼

九馬圍人圖二圍醉瀕墮

王元美爲太僕卿時刻
穆王八駿圖形如蝦蟇

穆王八駿西馳去造父把轡爲之御此時八駿誰傳形

大倉老王太僕卿刻石嵌在卿之庭馬瘦尾尖了無肉
頸長筋綻抽蘭莖儼如蝮蛇緣壁騰謂之爲龍特無鱗
此圖之馬乃九匹却比八駿多其一骨聳肉勻亦奇物
老眼寧知畫者誰摩挲却是孟頫筆牧夫九人二人醉
醒者扶之醉不墜河南山東牧馬兒汗酒胡葱醉似泥
此時儻墮無扶持馬且失矣太僕咎

完淳篇

人索咏其別字

七孔雖外交誰令滑其裏一朝一鑿之七日渾沌死大
隗山上牧馬兒軒轅黃帝稱天師牧兒馮馬馬則擾伯

徐文長文集卷五

太
海山仙館叢書

樂治馬馬生巧噫吁嘻海若太倉之米莊生濠上之魚
紀消木雞之無敢應野老鷗鳥之忘其機葛天無懷差
可意盧敖汗漫長相思不周崩墮只下土破天一角誰
與補石頭五色爛如花女媧十筭高能許君不見朱提
着銅銀墮膺心銀之鴈知何限蜘蛛借雨許驪置絡繹
將聲混紡車巧則巧矣真則差鄭君號完淳陳君請我
說我謂淳之完辟彼雲中月自雲自月自掃除高團依
舊金蟾曙

閩工某摹伯時昭君下嫁圖單于親送之隨騎士

胡姬姬嬌而騎與單于竝
犖健可畏鞞衣結束
文馬華旌及姬之靴帽竝妍
絢可愛而掌琵琶
者尤勝胡決不辨此李蓋
以意爲之取悅人目
馬三兄投賦賦之

毛奴索金嬌不予貌取西施爲媼母一朝遠嫁作闕氏
不及官斜一杯土奴也貌嬌故不真龍眠貌媼相隔千
餘春朝風莫雪一萬里粉腮那得嬌如此故知兩貌師
彼此妍媸雖各別竝是以意而爲之人生觸處有不幸
東脫網罟西亦奔漢宮顏色不及天子知胡廷憔悴未
枝老抵夜醉葡萄酒遞人氈帷知不知

徐文長文集卷五

九

海山仙館叢書

必單于終始相親近琵琶小妾百雙眉是胡是漢盡花
朱次公讀書飛來山羣彥過訪攜飲塔顛方拈六
韻擬賦雨至踉蹌而下漫聞次之

枕書小睡門開半客來就榻彈書喚攜壺醉客相輪尖
餓鶴窺舖攪雲亂僧厨沸酒百蚊飛雙棗沈茶紫繭微
酒罷書橫依舊睡夢爲蝴蝶別花歸

松臺酷

辣鼻作屏向月叩便啣鼻涕一尺長十叩九低頭作鷺

才能一噓啜作霧積年糟蠱爛人腸雲從毛孔走大荒
一戰笑受糟酋降伯倫無婦堪詒左誰持五斗來賀我
戰捷知真却病不與敗少渠真不可西國葡萄那得來
吾鄉豆醞逐家堆黃公握曲千年返卓氏當壚百店開
新渦放水荷花白舊棧濺珠黃琥珀個個駢聞初利天
人人夢到華胥國華胥國食醴醪生無歡死無哭孟公
紫菘賽黃獨綠臺大拇抽肥玉一澆一段魯微生閉在
春瓷餉醉人一嚼一噓醉輒醒醒來却苦多煩惱醒固
不惡醉亦好

徐文長文集卷五

三

海山仙館叢書

張旭觀公孫大娘舞劍器

大娘只知舞劍器安識舞中藏草字老顛瞥眼拾將歸
腕中便覺蹲三昧大娘舞猛懶亦飛秃尾錦蛇多兩腓
老顛蛇黑墨所爲兩蛇猝怒鬪不歸紅氈粉壁爭神奇
黑蛇比錦誰叩低野雞啄麥翟與暈一姓兩名無雄雌
老顛蘸墨捲頭髮大娘僕頭舞亦脫留與詩人謔題跋
常熟翁來索判頻常熟長官錯恠人

書茅氏畫

臺閣絲綸圖茅
老將贈一貴人

小李將軍固名筆輕描細染工如織若圖臺閣與絲綸

界畫便須三十日茅君揮灑無一塵只如此幅自清真
蕭蕭數點江湖墨寫出巖廊輔世人

附畫風竹於箏送子甘題此

送君不可俗爲君寫風竹君聽竹梢聲是風還是哭若
個能描風竹哭古云畫虎難畫骨

漁圖

何人畫秋色蘆花繡如組罷釣睡孤舟月滿瀟湘浦撒
網打魚驚雁飛釣竿閒挂冷魚磯醉餘正好割鮮膾恠
殺松鱸畫裏肥

徐文長文集卷五

三

海山仙館叢書

壽王生

四十年前王國鳴紅帶編繩束髮青衆客對之俱含情
我亦把酒勸一觥欲引其答驕不應今來轉睛年六十
頭髮雖黑髭鬚白諸朋作壽鵝雙蹠我却龍鍾行不得
送肴一格四柿朱令我自喫省我沽惜少方闌唱鷓鴣
方闌若在亦醜吾

沈將軍詩

沈以鼓吹
起行間

將軍者誰沈家郎學書學劍學漁陽呼臬喝雉疲夜場
月低日高睡竟忘軀幹雖小膽則強十年從軍官參將

殺賊歸來坐五羊明珠芡米側槩量買得綠珠可姓梁
一妻五妾愁專房廣西藤酒世無雙海南紅螺不假鑲
直錢雖少貴天生鸚鵡不談立酒旁文犀玳瑁細碎粧
龍腦一縷飛中央左縣翡翠玉蟲醬右挂鏤金小鳳皇
迴身未步身先鏘盼影入鬢斜月光拽郎髭鬚郎吻張
大卮小卮響喉嚨池中豈少雌鴛鴦安得老鶴專頡頏
郎誰與歡思邊疆誰者換馬邯鄲媚盧龍將軍急才良
見郎謂何用不臧且試鎖鑰扼背吭分道密雲汝往當
漢家猛士守四方沈郎沈郎不尋常我思古人等雁行

徐文長文集卷五

三
海山仙館叢書

吹簫者誰勃丞相

春野圖

北門之外多佳麗白水茫茫遶天際中有幽人春野翁
摘荷採芰紉衣袂春野讀書曾萬卷只今一字不欲看
只將元氣手中調不許紅塵眼中散昨者鑄鼎鍊丸還
吾欲從之乞一丹青牛在田不肯語輕篔大笠天將雨

劉雪湖梅花大幅

梅花自是花中魁畫梅花者今數誰雪湖劉子故不俗
未畫梅花先寫竹花梅篠竹兩相於直餘橫梢鏤不如

最好片雲遮一抹尤宜大雪踏孤驢我與劉君相見初
較量長短將髭鬚圈花少讓元章筆發幹元章不若吾
捉筆呼煤將發幹閉門自不令人看須臾歇筆乃開門
一掃槎枒三丈絹我客金陵訪畫梅畫梅莫妙盛行之
劉君放逸不可羈一劉一盛無雄雌我今日日題梅畫
恍忽如夢羅浮夜覺來香風攪衣帶花下美人是何代
洞巖入覽口有石枰石橋及石池諸景

洞梁高負泥沙惡一軀巧骨裹痴鞞昨聞已是三十年
今夕張燈始捫摸初疑螺尾不可梯再進再折無盡期

徐文長文集卷五

三 海山仙館叢書

魚腦別波枯未已蜃脚逢沙澁懶移人言此語得大槩
却須請君說細微桃根倒殭蟲嚙久蜜脾仄挂蜂歸稀
二洞三洞止一隙解衣臥洞身投覽

三洞之門曰覽口

蒼枰爛

斧或有人石橋浸影終無月當時蔣侯身不死一去親

賚五日米遙聞櫓響送江船上恐是錢塘水

僧云洞巖寺及

田地俱鄉人蔣二舍其探洞事如此今鹽橋蔣相公是也避秦豈直武陵隈何事桃

花不出來星河作影當歸路疑是淳于夢大槐

蘭泉篇

白虹細細三千尺蘭茗葉葉垂青碧百草諸芳不敢吹

惟有湘洲杜若與之齊浴蛟飲鹿無不可漱齒洗耳隨
君宜

徐文長文集卷五

五

海山仙館叢書

君宜

青藤書屋文集卷五終

徐文長文集卷五終

青藤書屋文集卷六

山陰徐渭文長著

公安袁宏道中郎編

五言律詩

銅雀妓

重泉鎖玉燕闕燭繞金蛾君銷陵柏土妾斷偃松蘿薦
夢無雲雨留香別綺羅願爲銅雀瓦生死托漳河

出塞

漢將去堂堂邊塵靖不揚雪沈荒漠暗沙攪塞風黃虜

徐文長文集卷六

海山仙館叢書

帳朝依水胡酋夜進觴舞兒迴袖窄無奈紫貂香

琉球刀

時客常山

客將刀出市云是大琉球海泛防龍合天陰聽鬼愁揮
空霜欲落脫匣水堪抽萬里烽煙地隨身去莫留

又

單刀新試舞雙劍舊能輪雨過腥聞血風旋雪裹身對
鏡歸思動挂壁崩縵塵醉後時橫看終當贈與人

西北

西北誰家婦雄才似木蘭一朝馳大道幾日隘長安紅

失裙藏鏡塵生襪打鞍當墟無不可轉戰諒非難

又

金鞍七寶欹玉手控青絲人馬才相得風雲氣本奇勢
輕香易墮樣巧影難爲馳罷雄心在何曾斂翠眉

又

尺錦卽成裝當眉縮結方須與撒身手馳驟蹴風霜簷
影千門亂街心一帶長忽逢游冶子繫馬問家鄉

桃花堤上看美人走馬

和青霞君

一鏡圍湖水千峰遶梵宮大娘迴劍器小伎落驚鴻影

徐文長文集卷六

二
海山仙館叢書

深穿柳日蹄響帶花風望斷梨腮粉紅塵一道中

春日過宋諸陵

藁葬未須憐生時已播遷威儀非舊典世代是何年過
客悲山鳥王孫種墓田回看隴頭樹似接汴京煙

又

落日愁山鬼寒泉鎖殯官魂猶驚鐵騎人自哭遺弓白
骨夜半語諸臣地下逢如聞穆陵道當日悔和戎

孟后怨

福薄姑言信君難國事非官家儼平昔賤妾獨何依汴

水千秋逝山花幾度稀還憐先帝寵夜夜月中歸

竹月篇爲易道士賦

脩竹隱丹扉蕭蕭映月微林稠光不礙葉動白俱飛製
鼎看圓魄裁簫度羽衣翻經清夜永猶帶露華歸

寄尙賓因借石磬

南明棲息久凡著幾何書夜峽月生石朝窻雲入疏特
懸孤磬在時扣萬山虛自笑耽清物持來一借子

宛轉詞

宛轉一臂斷流落二喬輕覆水已無及通家如有情歸

徐文長文集卷六

三

海山仙館叢書

來粧粉暗暗罷淚痕清莫道紅裙怯官家盛甲兵

湖嚴氏有二女其翁以長者許涓繼室涓自愆盟

頃聞爲海寇斷其翁臂二女俱被執旋復放還

便已作宛轉詞憐之後知其長女被執時卽自

奮墮橋死幼女放還亦死因復賦此宛轉詞中

覆水句正悔愆盟也

訝道自愆盟天成烈女生前旣無分死後空餘情粉
化應成碧神寒儼若生試看橋上月幾夜下波明

順昌道中新晴

解纜投山屋束鞍聞曙雞風雲留宿雨花草踏晴泥曉
峽喧谿路春沙泛馬蹄遙知武夷曲只在亂峰西

十六夜宿葉坊玩月
昨照橋中閣今輝驛口沙清光迷魍魎冷暈嘔蝦蟆與
水浮諸海將山碧一涯春風正司冷桂樹斲停花

春杜鵑花

煙雨艷陽天山花發杜鵑魂愁數葉暗血漬一叢鮮正
色爭炎日重臺脊絳箋春風幾開落遺恨自年年

古鏡

徐文長文集卷六

四 海山仙館叢書

白日淘杯土青天射兩丸且須防薄蝕詎止鑿衣冠神
物含光易深山識寶難不知丘壑裏還掩幾冰團

陳女度尼

青春正及笄削髮度為尼別母留粧粉參師歇畫眉幻
真臨鏡現生滅帶花知未必今來悟前身受記誰

金容

君是鄰兒非黃須短褐衣單身亡命去虜首賣錢歸業
曠家人棄門寒結客稀自知終有用窮巷且藏機

贈相士

節鉞下明州東隨一劍留帷中占勝色市上立清秋碧
眼胡僧避青囊道侶求相逢多幕客曾見李藩不

分賦得吳山送俞君還嶺

吳山碧石頭雄抱浙江流大可興雲雨微還適覽遊常
登應結戀乍別不能留明朝翠色遠知爾在行舟

芸閣校書篇

薄霧靄香筒青紉走蠹蟲一梯陟劉向萬帙映揚雄鳥
下窺書古花飛綴字紅他年在天祿羞與俗人同

飲雲居松下眺城南

夕照不曾殘城頭月正團霞光翻鳥墮江色上松寒市
客屠俱集高空醉屢看何妨高漸離抱筑却來彈

送內兄潘伯海謁選

之人千里行言宴款郊城牽爾衣裳處紛子帷幙情見
兄兼念妹送舅祇攜甥明歲承恩日龍池萬柳青

聚法師將往天台止其徒玉公庵中余爲留信宿

玉芝

欲向天台去先爲剡水尋秋行萬山出夜宿一庵深燕
語調花氣猿歸帶講心年年石梁興送爾益沈吟

省試周大夫贈篇罷歸賦此

贈篇在天池欲化龍句 莓厓

十謁九不薦那能長作儒江光凌棄壁關色黯歸縹緲
蕨求新主羨湯問小姑風雷亦何限終是惱凡魚

豐吏部公邀泛西湖觀荷明日寄作令與嘉則敘

父追和

吏部元耽飲良辰尊俎攜分明在湖上記得似耶溪別

浦紅裙漿垂楊白馬堤茫茫荷葉路共水入天西

賦得戰袍紅

時少保公得瑣暗刺製袍命賦

海嶽染啼猩征袍製始成春籠香共疊夜帳火俱明白

徐文長文集卷六

六 海山仙館叢書

與鶉旗映還宜蟒繡縈戰歸新月上脫向侍兒擎

嚴先生祠

碧水映何深高蹤那可尋不知天子貴自是故人心山

靄銷春雪江風灑暮林如聞流水引誰識伯牙琴

白鷗

少保公所遺

片雪簇寒衣烏絲繡一圍都緣惜文采長得待光輝提

賜朱籠窄羈棲碧漢違短簷側目處天際看鴻飛

初入京瞻宮闕

域中夷夏極天上帝王家西內宸居逼南都鼎地餘烏

帝御溝柳象散閣門花昨到貧方朔封書載幾車

來青亭

畫棟將雲遶修簷傍漢開亭非邀翠入山自送青來遠
色虛難寫遐觀縱未迴共言春景麗不見使人猜

元旦與肖甫較射

烟光海日瞳青帝早司東候轉弓猶勁標疏的略紅耦
彎雙月吐長臂一猿通本是無爭者心知此際雄

季長沙公哀詞

彭山老師

槐樹宛低迴猶疑講席開死因雙宿去生爲六經來遶

徐文長文集卷六

七

海山仙館叢書

瑟飛春水傳燈暗夜臺三年更築室未了獨居懷

懷陳將軍同甫

時鎮滇漢鑿昆池於長安而將軍親見於滇成一笑矣

飛將遠提戎翩翩氣自雄椎牛千嶂外騎象百蠻中銅
柱華封盡昆池漢鑿空雁飛真不到何處寄秋風

鈕大夫園林

按察公石溪

萬樹梅花國垂簾試一凭高樓烟欲暮遠岫雪將晴帆
舫時時渡溪橋處處橫若耶無限景都有此中情

送高叟入燕

橫山

少小幽燕客重游白髮多人欽舊然諾客和古悲歌紅

葉淮流舫黃塵沛縣驛向來沽酒處留得幾嬌娥

背樹

背樹零宵露羈魂斷曉鋪正當愁畫地誰遣放啼烏拭
淚身仍繫酬恩計轉迂應勞垂老魄結草向冥途

賦得看劍引杯長

高會莫匆匆魚腸把似公睥睨寸心在慷慨百壺空客
散平原夜波寒易水風秦讐不能報淚落酒杯紅

賦得暗塵隨馬去

春夕麗春燈芳塵似有情難隨羅襪緩却逐馬蹄輕高

徐文長文集卷六

八

海山仙館叢書

縷迷鞍淺低光影鐙平酒家莫留繫一夜遍都城

賦得芹芽

青春曲水湄芹吐小芽滋在野未堪摘獻君知幾時暖
風來燕子寒食伴棠梨一夜休教老留尖煮鱸絲

鎮江

落日挂城角孤蓬憇水窻草長交浦斷潮大入河降笋
敲辭鄉飯櫻桃過鎮江吳船夫婦唱十曲九成雙

王山人丹房

漁鼓或作愚鼓

時房在何所宛在水中中央丹竈泥初濕紅顏藥正黃菱

花歸舫亂荷葉過人長一自彈漁鼓陶陶醉幾場

仲春李子遂季子牙史叔考坐雨禹跡寺景賢祠

中醉餘賦詩並用街字子遂來自建陽一別數

載

病久不到此荒祠草上堦陰晴連日異閩越幾年懷夜

梵潮三丈春酥雨一街梨花無月處有客醉金釵

法相寺看活石

蓮花不在水分葉簇青山徑折雖能入峰迷不可還取
蒲量石長問竹到溪灣莫恠淹斜日明朝恐未閒

徐文長文集卷六

九
海山仙館叢書

侶琴篇爲趙子賦

豈無蘭蕙好獨結嶧陽桐養鶴多因爾遊魚亦爲儂風
雷縣一壁山水伴千重一作梅花弄都令雪滿空

寶刀詩

雙鈕黑銀鏤來從大土酋緜絨結蠻女鐵色照并州不
惜金千鎰能縣水一溝牀頭好珍重兼許茂先收

答謝上谷諸公

一客宣城鎮真多地主良停車松樹下投轄井中央紅
燭籌枝滿蒼毛塵話長別來知幾日柳色滿紅墻

書筵贈顧鴻臚

廿載神交後尺書長跪辰涸魚幸不死閨月亦徒春碧
柳深高館紅雲近侍臣相過不能數叔夜懶方真

王口北見遺貂帽因往

制伯貂冠而玳蟬

一圍消雪遠兩翅辟塵賒朔北凍殺馬遼東買斷牙錦
筵津頰玉深戶擁腮花一罩山人幘徒遮鬢髮華

納妾詩

角枕覆衾長新香異舊香昔年曾射雉此日復求凰杏
靨開春鏡鴉雲換晚粧夫君莫早起初日未高梁

徐文長文集卷六

十
海山仙館叢書

駿霞篇爲天台黃子賦

燕市千金駿天台一片霞持將兩神物較許大名家喻
過愁驢直言歸必日斜御河生隔斷楊柳暗宮鴉

梨

潘家大谷梨見潘岳賦及柳子厚詩近河間以
黑翁獻其膏入京梨有一種名鴈過消紅而瑩

班班似屏下咏物
十七首俱用正韻

潘家大谷梨今遍九河堤接樹冰千鞠單顆水一提馬
馱香黑襄鴈過脆紅犀未怕相如渴王孫儘翠眉

杏

蜜甘人享蜂徒自苦杏甘則蠹
杏徒自苦不若苦李之自全也

杏有海東紅珍高百品中色來先壓市子大欲沈籠釀

苦蜂何爲人甘蠹亦同道旁繁李樹好去問王戎

李

閩有夫人李洛下
有嘉慶縣李並佳

閩種夫人異燕枝嘉慶同蹊堪爲李廣核可付王戎碎
玉當唇綠飛錫遶臂紅歸來憶滋味能得幾時醲

頰婆

一名平波

石密偷將結他雞伏不成千林黃鵠卵一市楚江萍旨
奪秋廚腊鮮專夏盃冰上元燈火節一顆百錢青

胡桃

燕近出雞頭子
頗佳而價亦踊

羌果薦冰甌芳鮮占客樓自應懷綠袖何必定青州嫩

徐文長文集卷六

士

海山仙館叢書

玉寧非乳新苞一不油秋風乾落近騰貴在雞頭

白櫻桃

櫻桃琥珀珠一樹忽硨磲入袖迷吳苧如珩信楚書朱
唇嘗處訝翠葉凍邊舒欲問丹陽烏曾銜此類無

土豆

絕似吳中落花生及香
芋亦似芋而此差鬆甘

榛實軟不及菰根旨定雖吳沙花落子蜀國葉蹲鴟配
茗人猶未隨羞筍似知嬌瓠非不賞憔悴浣紗時

薯蕷

卽山藥

其中識舊方爽吻得新嘗臙廩衰年壞山薯此地良芋

魁徒歌美松粉藉餽餽楚些那遺此清酥點蔗霜

鐵脚

吳下絲披細燕中鐵蹈纖俄為羣少炙祇用一竿黏暗
雪辭饑啄紅椒餽醉髻窺螳黃雀事公子慎金丸

黃鼠膏厚而瑩徹

幸不為殘嚼何由冒劣名庖廚窮口腹天地寤生成淺
草遮人拙深膏傍燭明斷齏吾自分食肉任干城

半癡小鳥形半干雉而脆美上谷人與黃鼠共稱然癡而易襲遂以名

厄與癡相半禽將鼠共縣味雖供客好名却使人憐所

徐文長文集卷六

十一
海山仙館叢書

下惟雙筋何妨少一拳如聞三嗅粲笑殺雉羹筵

酒三品

曰桑落襄陵羊羔價並不遠每甕可十小蓋須銀二錢有奇

小甕五雙盞千蚨五瓮香無錢長買醉有客偶攜將醞
藉宜高價淋漓想故鄉狹斜壚不少今夜是誰當

荔支

出新會者名進奉絕佳有以小瓮載販陽江者到即競報具土產稍劣或邀食多以蔗隨

放猿取高荔蘇公事也

帆檣報荔支猶憶海南時一邑明勾漏千罌枕蜜脾消
中隨蔗往高樹放猿之近日肝腸別依稀餓采薇

又

當醉更須醉當餐便買餐幾年千里外一顆百金難飛
騎休輕刺垂猩且奪看老甜今已矣世味飽鹹酸

熊

此李勣尉獵而托饋大兒故三四用蜀陳家事五六則憶曩食熊獵掌特甘醲而此顧亞必未

熊也七八用茂先事意謂儻恣口腹何所不至耶

李廣射熊歸生肩付大兒都無一寸白儻有幾條笞腊
掌吾曾飲鮮蹠勝略差窮饕亦何劇急鮓白魚遲

黃羊

味絕勝善走俺答偶馳饋宣鎮故五六云然三四晏子語言也七八戲言耳雖貴胡亦未

駝者聞食

紫塞黃羊美超騰不易供蹄雖千里外命寄一廚中誰

徐文長文集卷六

三

海山仙館叢書

致西河俎言穿老上弓賓筵二動指早晚到駝峰

河豚

白下酒家簷河豚荻笋尖寒江晴後雪爛柳窾中鮎萬
事隨評品諸鱗屬并兼惟應西子乳臣妾百無鹽

送薛鴻臚左官袁州

佐郡袁州去江行萬里西興牽春水鴈心斷早朝雞蠻
境風烟近巫鄉習俗迷正須煩料理滕閣未遲躋

兩

一雨連秋夏無朝不冥迷曉添四壁篆夜助百蟲悽蒙

罽遮城漏蒸潮汗礎泥直愁衡岱頂亦障海鳥飛

夕霞

第三首魚勞則尾赤詩云鮐魚頰尾

明霞剪脚齊茜水入霄泥鴈鷺千行外巖巒一角西石
家錦步帳海國紫玻瓈安取揮戈術相留莫遣飛

又

明霞爛且都雨歇霽霄鋪萬國樓臺莫孤村烟火暝波
鱗銷琥珀海上珊瑚一抹須彌翠胭脂月鏡孤

又

元氣渺太素丹鉛何所粧白魚勞尾變紅石補天長刺

徐文長文集卷六

十四

海山仙館叢書

付烟嵐彩全併沆瀣光俄飛一片紫騎鳳是蕭娘

送某子北土

送子有所思秋風來何翩拜翁挂貂處談我篝燈前棗
紅芻馬店霜白聽雞天一隊長鞭裏輕寒早着髒

某君中貢選送之

物有幽奇者飛騰各擅方巨魚須北化細芷不南香在
獄持何贈穿泥以劒將回思成一笑君自有魚腸

人言鳳尾蕉花於某縣庭命作

鳳尾本蕉材紅花綠葉穗懸庭今一見蠻地不曾開孔

雀羞金翠蕭娘坐粉腮頰川黃霸在辛苦送祥來

壽葛貞母

終歲不成粧釵寒古鳳凰詩堪將柏賦年亦與松長列
女誰同傳稱人果未亡當筵思舉案誤遞百年觴

乙亥元日雪酌梅花館

有扁二曰柿葉
室曰葡萄深處

秋葉已凋疎春林積雪初溪藤不復買裙練免偷書桂
碧來鳴鳥堆紅補破廬待予新買屋自種兩三株

又

花葉看雖少藤稍遶更賒蒼須搖水雪白玉碾龍蛇碧

徐文長文集卷六

五 海山仙館叢書

氣將檐薄濃陰奪竹斜去年深夏熱特地爲子遮

初夏送某客入廣

廣中賈客寓所隔岸則俱居
也率以一錢擲艇子輒渡

海南多寶地客也傍春行涉嶺梅丸綻當塵荔子明百
香番賈舶雙翠美人纓會向青樓去時呼艇子乘

賦得風入四蹄輕

雷總戎嘗騎千里馬風掣其衣
僅存襟背又云趙總戎亦然故

三章
云

駿馬四蹄風形容有杜公一塵不動外千里颯然中白
草連天靡蒼鷹踢翅從檀溪不須躍隨意過從容

又

愛妾換初訓將軍
鷩紫駟颼颼只聞響
陣陣不禁秋練影
難長曳房星易一流
路旁看不細多是失
回頭

又

借將從虎物并去翼
龍腓成削纔辭懨崩
轟已破圍寒呼隨
踈起黑旋裹鞍飛會
聽將軍說雙雙碎鐵
衣

又

赤驥本龍精行時不
是行看遲八尺影過
急一團聲帶烙成駢
死嘶鹽了此生孫陽
何處是淚盡太行程

兩舟載鶴詩

徐文長文集卷六

六

海山仙館叢書

買鶴載歸去况逢風
雨天容裝兼有此江
影雨瀟然濕重穩孤
雪波長立暮烟園池
寧有此漠漠迥堪憐

元夕之辰偕友人集
九里之天瓦寒泉二
庵各賦

并序

去郭九里曰九里者
爐峰舒臂其西高則
亂石偃拔駭獸穿林
下則迴泉紆縈驚虺
入草兩精舍各據所
勝止息緇黃因石以
覆則爲天瓦依流而
茨乃題寒泉鸞鶴之
所必棲猿麋舍此莫
集也某君南來之暇
稍厭賓筵及予元夕
之候

載鷓其中上下高流狎弄魚鳥落帆到舍則月
白燈紅矣似別武陵悔返城市景遷情改寧免
生滅之緣各有賦篇令子作敘

尋常難淡泊况復值茲辰山水留吾輩燈花媚別人言
歸城市去似別武陵春一路梅花水今年弄月新

擬壽長春祠何老

雲母何姑粉增城幾葉春馮心行好事作屋住仙人鍛
柳堆山鏡眠松弄水銀面上桃花色流年始七旬

京中送友人南歸

徐文長文集卷六

上海山仙館叢書

不道歸真急翻嫌握手遲綠蠅秋漸少黃鳥日相思以
我尙未去問君來幾時答言春盡後北雁與同飛

送蔡安父之黃州

安父黃州去乃當中夏時榴花作火艷梅雨爛蠶絲研
墨泐云燥窻書葉葉吹今朝霽如此別馬快風嘶

與葛景文

冬潦無人出君胡爲來歟山樓隔年病江渡幾封書健
後堪風雨貧來無菜蔬不能留一飯歸去寺烟餘

畫紅梅

卽使胭脂點猶成冷淡枝杏花無此幹鐵樹少其姿挂
壁紛紅雪圍春在錦池無由飄一的嬌殺壽陽眉

畫竹

萬物貴取影寫竹更宜然穠陰不通鳥碧浪自翻天
戛戛俱鳴石迷迷別有烟直須文與可把筆取神傳

筵中漫贈王良秀筆史

囊琴三尺餘投我主人居老叟能稱隱諸郎總解書
夜深喚酒春盡共騎驢去到西湖上梅花帶雪舒

吳門逢孔將軍於塾

徐文長文集卷六

六

海山仙館叢書

舊日堪爲將今來復授經主人盛供帳醉尉止都亭終
歲只在野因予一入城相悲十年事淚落酒杯平

書倪元鎮畫

一幅淡烟光雲林筆有霜峰頭橫片石天際渺長蒼雖
賡須金換如真勝壁藏偏舟歸去景入畫亦茫茫

無題

翁也專樞密儂今職贊襄西京留守重北帽侍中方陵
氣松鱗紫湖霜藕葉黃江南秋色好此去滿帆檣

賦得草窗篇爲周衛卿之號

周繪
工蟲

草綠烏喙喙開窻一斗開百蟲堪上筆一片欲遮苔莫
影紗紋澱春芽老氏孩元公有知不一笑隴牛堆

食虎眼

虎眼荔枝之佳品

虎眼白琉璃誰能隸虎皮小毬蜂粉結高液烏羣司婦
去茶如薺王歸膽亦飴由來甘苦柄舌觀豈能持

蟬

紅綠樸文窰薑橙擣未高雙螯交雪挺百品失風騷餒
喜朝爭穀颺聞夜泣糟大蘇無缺事只恠佞江瑤

蘇傳江瑤

柱乃不傳蟬

徐文長文集卷六

九

海山仙館叢書

又

水族良多美惟儂美獨優若教無此物寧使有監州辟
鬼秦關夜輪魁海稻秋河豚直一死只好作蒼頭

又

吳興饒吻守越國朶願人風韻誰偏少吹噓爾絕倫沉
江九肋鱉松泖四腮鱗遍試張華醋還誰五色文

又

爾故飽菱芡饑來竊稻梁逃蕭孟嘗走結草杜回亢蛻
許山蟬嫩腥憐海麝香那能親箬笠夜夜伴漁郎

又

織篠挈千籃枯筐養八蠶縛嚴愁廣武霧重死淮南金
紫膏相蝕尖團酒各酣秦人不曾識付與兩齊參

蠶筐
見檀

弓八蠶者
南粵種也

胡市歸 胡館不一刻
羶觸數日

胡養復胡王無鷹不飽颺滿城屠菜馬是鼻掩綿羊卽
苦新輪輦猶勝舊殺傷從來無上策莫笑嫁王嬙

客餉我笋脯一小筐穉而甘澹擬謝

晨觴急十斟笋脯美遼參玉版禪師韻黃冠道士簪山

徐文長文集卷六

三 海山仙館叢書

存仍受虎春代并更禽釋畔夫將婦隨農插綠針

聞人賞給事園白牡丹

白牡丹殊雅曾於舊譜聞掃眉嬌貌國新寡縞文君黑
牯眠雲飽黃蜂奪雪芬愛憎誰與定賒酒借花醺

又

梁園月下白青瑣第中逢定是千金買來陪一捻紅珍
奴學輶息越女鬪猿公作意驅脂粉天然輸與儂

又

休量姑射子不語息夫人香暗聞龍腦須黃見蝶身雪

腮宜買笑霜鬢可饒嚙莫學盧郎婦題詩詭老人

化城寺

方引主人轄轉爲山寺嬉門深當水盡路曲入松移破
鐸搖簷鴿寒萍蔽沼龜過溪無虎嘯在送遠禪師

明日至古博嶺雨

無寸非濃霧寒空濕太勝泥深驢項沒雨近帽簷生練
泄未到眼客途先苦行真成評嚼攬敢與棗兒爭

京邸贈沈刑部

叔成自安鄉召入善畫梅在
署竟日仲紙洞庭逼浸安鄉

人多驄馬客君慳白雲司棘署了公事梅花作雪枝帶

徐文長文集卷六

三

海山仙館叢書

寬知懶在馬重覺塵隨頗憶洞庭否烟波十二時

哀周鄭州沛

莫以拘攣輩交攻放達偏窮如知老後樂似欠年前匣
藻鮫俱泣園花石共遷傷心能幾輩教我不潸然

又

雪涕尋前誼敲門憶昨晨梟盧呼未歇蝦蟇醉仍頻日
者過荒館霜顛破角巾飄零霎如此昨日故將軍

曉發句容

宵來醉眠處忽爲遠林遮三尺短絛爛一程長耳賒村

村落斜月樹樹抹輕霞只尺丹陽近江魚入饌嘉

送沈叔子南都迎母

馬上定苦渴幾迴停轆轤別兄當北邸接母到南都桃
葉橫前渡荷花滿後湖此行大家逐誰敢問當廬

送馮叔系之南都訪舊

江國柳雖盡將及梅花新路遠卽逢雪天寒別有春高
牙紛海幕長劔著孤身乞取封書去難辭舊主人

景文至其舅劉所過園中

兩橐行廚過清醪溢瓦盆一行澆鬱思百覆失煩冤筍

徐文長文集卷六

三

河山仙館叢書

候人家飯鶯天桃杏村無由共甥舅鎮日數園門

送俞生之入楚

頗善繪事

作客向襄陽鰓頭大舸裝江行多雪候旅宿盡漁鄉此
景俱堪抹行囊好爲藏歸來逢鑿賞幾度抹山窓

張子錫往訪其弟長治

伯兄官署去因寄仲君書問政應如水添厨稍出魚越
人多好着潞錦小花裙看取寄歸匣都無一尺餘

與任生話舊

麻衣飄雪處益動而翁思近日君家事子儻那得知筓

天應薦墓柏涕可枯枝莫作徒悲切遺書退學詩

送張君會試

明年此時節意氣何揚揚但遣馬蹄疾莫愁花路長幾
多青樓婦認取舊檀郎何處最笑指當壚壓酒娘

挽上虞葛翁

聞道自髫年傳經徹舊編累糧百里外卒業一燈前閱
傳知高士遺孤是大賢斯人真不死可以慰黃泉

授經館中懷江東諸同志

時復病

能得幾回春匆匆滯此身一江書易寄連月性難馴買

徐文長文集卷六

三

海山仙館叢書

藥獨行市敲門暫訪人幾時束書卷來伴釣魚綸

蠟屐

一生幾兩屐此語爾非迷何事淪猩趣終年弄馬蹄萬
錢收錦屨五岳遍丹梯齒畔如瀕損厓蜂借一脾

題雪景畫

諸暨陳仲子

幽人凭水檻釣者挈魚投况對千山雪而無一客留臘
酒此時熟老夫終歲憂壺公能醉我跳入畫中休

爲陶工部贈道者

終是千年鶴今先返舊地到家人尙在入洞雲來迎紫

氣莫西渡青山留震盟野夫慙尹喜却辦候關情

將遊五泄宿吳系山庄遇陳老迎餉邀余輩先登

峨眉不果

遊巒維林竹山窓來獵燈青蘇炊白稻碧筍束紅藤坐
落牛宵月流分曲水亭忽逢山下老邀上峨眉層

徐文長文集卷六

書
海山仙館叢書



翠水碧且流食曲水亭
巖山丁头巖土池
巖

巖巒維林竹山窓來獵
燈青蘇炊白稻碧筍束
紅藤坐

峨眉不果

綠巖正城前吳系山
庄遇陳老迎餉邀余
輩先登

青藤書屋文集卷六終

08757

